

大方等集經

第一

九十一  
位一

47675



元祿九年丙子二月三日重脩

皇圖聖固 帝眷緞昌

佛日增輝 懋合輪常轉

山城州天安寺法金剛院置



大方等大集經卷第一

位

北涼天竺三藏曇無讖於姑臧譯

序品第一

如是我聞一時佛在王舍城耆闍崛山中往  
 古諸佛本所住處大塔之中諸大菩薩之所  
 讚歎其地潔淨微妙最勝諸佛法座諸天龍  
 鬼輒闍婆等常行稱詠又能增長無量善根  
 常有諸佛微妙光明成就無量無邊功德具  
 足諸佛所行之處如來得成菩提道已轉妙  
 法輪調伏無量無邊衆生於一切法而得自  
 在出世尊逮得一切法中無礙智慧能善分別  
 一切衆生諸根利鈍永斷一切煩惱習氣不

待莊嚴了知諸法與大比丘僧六萬八千一  
切調伏斷煩惱習氣皆是佛子善解深義悉  
是福田能斷諸有得淨戒果不生不滅復有  
無量諸菩薩僧具無礙智甚深智無知智大  
慈大悲降注法雨能施一切甘露法味於諸  
衆生等心如地增長成就助菩提法智慧光  
明能破黑闇悉能照明善惡之道能開衆生  
善心蓮華能令衆生善根成熟增長善牙乾  
煩惱濕具智慧翼遊空無礙喻之如日善能  
增損衆生善惡喻之如月為諸善本如須弥  
山至心寂靜修行梵行不為世論之所動轉  
安住無上出世之法能見諸佛一切世界積

善法藏猶如大海具足成就諸陀羅尼寂靜  
聖行及大慈悲清淨莊嚴定慧二目久已遠  
離深法怖畏無量劫中所修菩提未畢竟者  
終不休息成就菩薩所有功德其名曰慧光  
無礙眼菩薩摩訶薩見一切田莊嚴瓔珞菩  
薩摩訶薩不斷如來性出世意菩薩摩訶薩  
爲諸衆生示現細行神足菩薩摩訶薩無量  
樂說無礙神足幢名稱菩薩摩訶薩淨衆光  
自在王菩薩摩訶薩善能論解字義廣說論  
議神足菩薩摩訶薩無量功德智慧莊嚴住  
菩薩摩訶薩如是等菩薩常與如來同止共  
住如來常爲分別宣說菩薩所行法門之法

尔時如來成正覺道始十六年廣知衆中多  
修梵行悉來大集堪任受持菩薩法藏尔時  
如來即作是念我今當於如是無量象王衆  
中宣說菩薩所行之法先當示現諸佛如來  
大神通力爲諸菩薩令知諸佛深境界故尔  
時世尊即入三昧其三昧名佛境神通實見  
衆生以佛功德威神力故於欲色天二界中  
間出大坊庭猶如三千大千世界定福二力  
之所成就其處堪任佛所遊居復出大光其  
明清淨遍照十方諸佛世界能令衆生得知  
足心於諸天宮最爲殊勝能勸十方放逸菩  
薩其坊四帀白琉璃樹真金爲牆功德寶室

馬瑙垂簷雜寶欄楯白真珠網以覆其上種種幡蓋以爲莊嚴衆香塗地燒散雜香十方世界衆生所有上妙莊嚴悉於中現安置無量百千萬億師子法座其座各有無量雜色柔軟敷具能令衆生歡喜愛樂諸四天下各以七寶作四梯陛金剛階墜廣十由旬如其行時出微妙音如四天下三千大千世界亦復如是尔時世尊從三昧起大千世界六種振動亦放無勝最大光明即與聲聞菩薩大衆前後圍遶欲往彼坊一切諸天尊重讚歎香華伎樂塗末燒香曼陀羅華摩訶曼陀羅華曼殊沙華摩訶曼殊沙華等以爲供養能

動無量無邊世界光明遍照無不大明示現  
諸佛神通福德當尔之時耆闍崛山一切大  
衆忽然不現墜中階節上昇虛空時無量億  
諸天龍等及不護神伎樂神非天神金翅鳥  
舞神腹行神嗜肉神善餓鬼神羗耳鬼神住  
廁羅刹厭人鬼能狂鬼影鬼產乳羅刹持髮  
鬼常醉鬼如是等衆悉侍從佛以天香華微  
妙天樂而供養之尔時四天王合掌長跪以  
偈讚佛

如來光明勝一切

能壞三惡道黑闇

今我歸依樂依止

薩婆安悉達無上尊

時四天王與諸天人偈讚佛已尋侍佛後尔



時帝釋與忉利天人於其界次階上見佛以  
天香華微妙伎樂而供養之以偈讚佛

如來具足大神通

所得大悲無能勝

以佛功德嚴十方

我今敬禮無與等

時天帝釋與忉利天偈讚佛已尋侍佛後

時夜摩天王與夜摩天子於其界次階上見

佛以天香華微妙伎樂而供養之以偈讚佛

無礙智慧無有邊

善解衆生三世事

一心能知無量心

是故稽首禮無上

時夜摩天王與夜摩天子偈讚佛已尋侍佛

後爾時兜率天王與兜率天子於其界次階上

見佛以天香華微妙伎樂而供養之以偈讚佛

佛知諸法如幻炎

無受無作無字說

愍眾故說不可說

記說無我知法性

時兜率天王與兜率天子偈讚佛已尋侍佛後  
亦時化樂天王與善化樂天子於其界次階上  
見佛以天華香微妙伎樂而供養之以偈讚佛  
如來具足得十力 知諸法界如虛空

無色哀愍示形色

其心平等示眾生

如來常行世尊行

為眾生故行世行

開無分別諸法界

我今敬禮非天人

時化樂天王與諸天子偈讚佛已尋侍佛後

亦時他化自在天王與他化自在天子於其

界次階上見佛以天香華微妙伎樂而供養

之以偈讚佛

如戒而住寂靜地

其智無礙無有邊

大慈大悲微妙語

勇健精進力無勝

常能修習三解脫

鳥雖不同金鳥飛

我今如鳥任力讚

不種不收其果實

憐愍為莖智慧葉

菩薩蜂王食甘露

大悲智慧光圓滿

修集無上三昧定

我禮畢竟解脫者

真實能知道非道

我今敬禮無能動

無能稱讚盡其德

亦能任力而遊翔

唯願哀愍受微歎

不讚如來無解脫

三昧為鬚解脫敷

我今禮佛法蓮華

能破衆生無明闇

其戒清淨衆樂見  
其心平等如虛空  
能淨無量衆生垢

我今敬禮佛法月  
香塗割刺心無二  
我今敬禮佛法河

時他化自在天王與諸天子偈讚佛已尋侍  
佛後諸天各各讚歎佛已介時如來示現無  
量神通道力漸漸至彼七寶坊中如四天下  
見佛上昇三千大千世界所見亦復如是介  
時世尊至寶坊中昇師子座聲聞菩薩各各  
次第坐於寶座介時世尊入佛三昧其三昧  
名無礙解脫二毛孔放大光明其數無量如  
恒沙等照於東方無量世界南西北方四維上  
下亦復如是地獄蒙光衆苦得息其餘衆生除

貪恚癡慈心相向如父如子。爾時以佛功德力故，其光明中說如是偈，爲勸放逸諸菩薩。故如來精進無量邊，誰能讚佛光明德。爲勸十方諸菩薩，釋迦如來放是光。成就具足佛十力，卅法不汙如蓮華。如來轉此無上輪，爲諸衆生轉法輪。如來今者集大會，若有信心成就者。

唯有十方諸世尊，樂於放逸不修禪。召諸菩薩集此界，能破世界諸魔王。是其光明無有量，諸天世人所不能。如本十方佛所轉，難見猶如優曇華。悉爲聽法至佛所。

是光明中所說偈頌遍告十方勸喻一切諸  
菩薩等震動一切世界大地普施一切衆生  
安樂能淨一切衆生煩惱破壞衆生無明癡  
闇能蔽一切天魔宮殿光遍十方還從頂入  
尔時東方有佛世界名無量功德寶聚神通  
有佛世尊号淨大淨光七菩提分寶華無斷  
光王彼有菩薩名諸法自在功德華子遇斯光  
已與十恒河沙等諸大菩薩俱共發來至娑婆  
世界大寶坊中見釋迦牟尼佛頭面禮敬右遶  
萬帀以妙香華而供養佛即於佛前以偈讚曰  
一切功德到彼岸  
常爲十方佛所稱  
無礙名号遍十方  
大慈大悲釋師子

如來法界無差別  
宣說一法為無量

為鈍根者說差別  
如大幻師示眾事

時諸菩薩偈讚歎佛頭面禮已以已神力於  
佛東邊化作牀座次第而坐介時南方有佛  
世界名曰佛光有佛世尊号無量功德寶彼  
有菩薩名曰寶杖遇斯光已即與十恒河沙  
等諸菩薩眾俱共發來至娑婆世界大寶坊  
中見釋迦牟尼佛頭面禮敬右遶萬匝以妙  
香華而供養佛即於佛前以偈讚曰

大慈法雲降法雨  
以八正水滅結火  
佛光能破無明闇

常說無常空無我  
能長眾生諸善根  
能誨放逸諸菩薩

能焦三有諸愛種

能示真實道非道

時諸菩薩偈讚歎佛頭面禮已以已神力於  
佛南邊化作牀座次第而坐今時西方有佛  
世界名曰光明佛号普光彼有菩薩名稱力  
王遇斯光已即與十恒河沙等諸菩薩衆俱共  
發來至娑婆世界大寶坊中見釋迦牟尼佛  
頭面禮敬右遶万市以妙香華供養於佛復  
於佛前以偈讚曰  
於無量劫發善願  
如來行業如虛空  
如來梵聲如雷音  
無聽無受無衆生  
是故得身淨無漏  
無礙音聲遍十方  
此聲無業非因出  
大悲何故音聲說



時諸菩薩偈讚歎佛頭面禮已以已神力於  
佛西邊化作牀座次第而坐爾時北方有佛  
世界名寶莊嚴佛号無量功德莊嚴彼有菩  
薩名大海智遇斯光已即與十恒河沙等諸  
菩薩衆俱共發來至娑婆世界大寶坊中見  
釋迦牟尼佛頭面禮敬右遶万匝以妙香華  
供養於佛復於佛前以偈歎曰  
如來無上金光明  
能壞一切世間闇  
若有衆生遇斯光  
遇者悉能壞煩惱  
設身高出大千界  
神通道力無邊際  
是人不能見頂相  
大悲曠世造何業  
時諸菩薩偈讚歎佛頭面禮已以已神力於

佛北邊化作牀座次第而坐。爾時東南方有佛世界名曰無憂。佛號能壞一切闇。彼有菩薩名無勝光。遇斯光已。即與十恒河沙等諸菩薩衆俱共發來。至娑婆世界大寶坊中。見釋迦牟尼佛。頭面禮敬。右遶萬匝。以妙香華供養於佛。復於佛前以偈讚曰。

無量界入一毛孔  
如來境界無知者  
能令一身作無量  
雖爲衆生現神變  
時諸菩薩偈讚歎佛頭面禮已。以已神力於佛東南化作牀座。次第而坐。爾時西南方有

亦不燒害諸衆生  
是故神通難思議  
而其真身無增減  
然其內心無憍慢

佛世界名曰善見佛号心平等彼有菩薩名  
大悲心遇斯光已即與十恒河沙等諸菩薩  
衆俱共發來至娑婆世界大寶坊中見釋迦  
牟尼佛頭面禮敬右遶萬匝以妙香華供養  
於佛復於佛前以偈讚曰  
無量世中護禁戒

猶如犍牛愛其尾

見有毀戒生悲心  
如來之心如須弥

亦不憍慢讚己身  
十方邪見不能動

智慧甚深無得底

猶如大海難思議

佛自解脫一切有

亦令苦縛得解脫

所得解脫實無差

隨道行時有別異

時諸菩薩偈讚歎佛頭面禮已以已神力於

佛西南化作牀座次第而坐。爾時西北方有佛世界名曰壞閻。佛号大神通玉。彼有菩薩名曰寶網。遇斯光已。即與十恒河沙等諸菩薩眾俱共發來。至娑婆世界六寶坊中。見釋迦牟尼佛。頭面禮敬。右遶萬匝。以妙香華供養於佛。復於佛前。以偈讚曰。

如來出世尊。猶如幻。而為眾生說幻事。  
寶無真物。故名幻。無有眾生說眾生。  
如人夢中見諸色。寤已真實無色相。  
為度眾生示世行。如來真實無世行。  
時諸菩薩。偈讚歎佛頭面禮已。以已神力於佛西北方。化作牀座。次第而坐。爾時東北方。

有佛世界名曰淨住佛号心同虚空彼有菩  
薩名無邊淨意遇斯光已即與十恒河沙等  
諸菩薩衆俱共發來至娑婆世界見釋迦牟  
尼佛頭面作禮右遶萬匝以妙香華供養於  
佛復於佛前以偈讚曰

佛知甚深諸法界

常樂寂靜修無想

及知衆生諸心想

亦說諸法如虚空

住一心中知三世

亦復能知種種業

不生心想衆生想

無量世修無相想

時諸菩薩偈讚歎佛頭面禮已以已神力於  
佛東北化作牀座次第而坐尔時下方有佛  
世界名曰樂光佛号寶優鉢華彼有菩薩名

莊嚴樂說遇斯光已即與十恒河沙等諸大  
菩薩俱共發來至娑婆世界見釋迦牟尼佛  
頭面禮敬右遶萬匝以妙香華而供養佛復  
於佛前以偈讚曰

無量智者佛真子

數如十方微塵等

於無量劫諮問佛

不盡如來一字義

是故如來智無邊

功德揔持亦如是

名稱力勢無邊際

猶如大海十方界

時諸菩薩偈讚歎佛頭面作禮以已神力於

如來下方化作牀座次第而坐介時上方有

佛世界名瓔珞莊嚴佛号大名稱彼有菩薩

名一切法神通王遇斯光已即與十恒河沙

等諸菩薩衆俱共發來至娑婆世界見釋迦牟尼佛頭面禮敬右遶萬匝以妙香華而供養佛即於佛前以偈讚曰

佛身身業無邊際

心口及業亦如是

唯佛能知佛三業

餘不知如虛空邊

如來無師無教者

是故衆生稱大師

諸佛法界叵思議

菩提法輪入涅槃

時諸菩薩偈讚歎佛頭面禮已以已神力於佛上方化作牀座次第而坐尔時一念中間十方無量諸大菩薩一時雲集大寶坊中尔時世尊即從三昧安庠而起馨歎之聲徹于十方一切衆生悉得聞之聞已即於佛法僧

寶生信敬心十方世界所有比丘比丘尼優  
婆塞優婆夷若人非人聞佛聲已身心寂靜  
以佛功德威神力故悉得覩見寶階梯陞於  
一念頃悉登寶階至寶坊中各隨其位次第  
而坐諸梵天人亦聞其音梵天大梵天梵師  
天梵衆天光天少光天無量光天淨天少淨  
天無量淨天無雲天福德天廣果天無狂天  
無熱天善見天樂見天阿迦尼吒天亦一念  
頃俱至寶坊見佛世尊頭面禮已次第而坐  
化作牀座今時世尊見諸大衆皆已集會放  
眉間光其光名曰示菩薩力遶諸菩薩七帀  
已於諸菩薩頂髻而入今時會中有一菩薩



名諸法自在功德華子即入三昧其三昧名  
瓔珞莊嚴以三昧力故於寶坊中出師子座  
座高八萬億多羅樹七寶莊嚴散種種華為  
諸衆生之所樂見能淨一切衆生之心今時  
諸法自在功德華子菩薩摩訶薩化作如是  
師子座已從其三昧安庠而起合掌恭敬頭

面作禮即於佛前以偈讚曰

日月光明壞現冥

佛光能壞三世暗

如來具足神通力

勝於一切諸天光

佛了法界無覺知

如幻水月無去來

無主無受無作者

真實知已為衆說

知色心中無色心

方便為衆說色心

如來神通猶如幻  
一切衆生心常淨

諸佛如來得解脫

虛空無地無住處

為衆故昇師子座

一切大衆無去來

諸法悉皆如虛空

世尊受我師子座

愍衆故演梵音聲

十方諸來聽法衆

願佛當施大法施

尔時世尊以大慈悲憐愍諸法自在功德華

知諸法界亦復然

或時為客煩惱汗

示現神通等如幻

如來之心亦如是

如先諸佛說甘露

亦無聽說無受者

唯願開闡真實界

願為衆生師子吼

熾然智燈破癡闇

悉來集會此寶坊

破無量世貧窮聚

尔時世尊以大慈悲憐愍諸法自在功德華

子菩薩摩訶薩昇其所奉師子寶座欲說一切諸菩薩行無礙法門具足一切佛法十力四無所畏入一切法自在陀羅尼法門入四無礙智法門入大神通法門不退轉法輪不退住處攝一切乘具一切法界無分別法界善知一切衆生心根法界真實堅固難沮能壞一切四魔怨讎調伏一切惡見煩惱獲得不共善權方便得大平等心無二故一切諸佛等入之處無罣礙處說一切法悉真實故演說諸法非覺非非覺故十二因緣平等相觀故具足智慧大莊嚴故莊嚴佛身佛音聲故無盡念意行智慧故演說真實四聖諦故

能令聲聞身心淨故令辟支佛坐紹位牀故  
大乘菩薩得法自在故廣宣諸佛所有功德  
故解說宣示一切法故說諸菩薩大功德故  
裂諸衆生疑網心故摧滅一切惡邪論故增  
長如來佛正法故顯示衆生佛神力故以如  
是等諸因緣故如來昇于師子寶座尔時寶  
杖菩薩承佛神力入佛瓔珞莊嚴三昧以三  
昧力故能令大衆悉得種種瓔珞莊嚴時稱  
力王菩薩復承佛神力入蓮華三昧以三昧  
力故悉令大衆皆得妙華供養於佛及諸菩  
薩時大海慧智菩薩亦承佛神力入妙香三  
昧以三昧力故能令大衆皆得妙香供養於

佛及諸菩薩時寶網菩薩亦承佛神力入光  
明三昧以三昧力故悉令大眾身得光明時  
悲心菩薩亦承佛神力入無瞬三昧以三昧力  
悉令大眾仰瞻如來目未曾瞬時無邊淨意  
菩薩亦承佛神力入喜樂三昧以三昧力悉令  
大眾喜樂聽法時莊嚴樂說菩薩亦承佛神  
力入寂靜意三昧以三昧力悉令大眾遠離  
五蓋時一切法神足王菩薩亦承佛神力入  
不忘三昧以三昧力悉令大眾專念菩提心  
不忘失時勇健菩薩亦承佛神力入無勝三  
昧以三昧力悉令大眾摧伏諸魔時破魔菩  
薩亦承佛神力入壞魔三昧以三昧力召此

三千大千世界一億魔王來集寶坊至於佛  
所頭面作禮合掌恭敬咸作是言唯願如來  
廣為衆生開甘露門我等皆因破魔菩薩威  
神力故當得遠離一切魔業於諸大衆心無  
妨礙佛言善哉善哉善男子汝等今已得離  
魔業以是因緣於未來世復當得離一切魔  
業善男子譬如一處百年闇室一燈能破汝  
等亦尔無量世中無明黑闇今日能破如日  
月寶光住信戒施慧禪定亦尔善男子汝等  
今者請佛說法以是因緣汝等當得破無明  
闇為諸衆生作智慧明尔時衆中有一菩薩  
名法自在王白佛言世尊如來境界不可思

議何以故如來發心將欲說法能令一切大  
衆雲集爲菩提故作大莊嚴大法神通無量  
世間得大名稱身心寂靜獲得解脫及得不  
可思議法界十方諸佛之所讚歎具足一切  
十波羅蜜成就通達善權方便能裂一切諸  
魔疑網能滅衆生惡邪諸論能善分別一切  
法界逮得具足無礙智慧具念意行智慧勇  
健具足獲得四無礙智善知衆生諸根利鈍  
知衆生界隨意說法常能宣說清淨法界善  
解一切方俗之言能得一切清淨梵音具足  
成就慈悲之心諸邪異見不能令動不可破  
壞如金剛山具修三相建立法幢已度甚深

十二因緣河斷於常見能調大衆無量劫中  
得不可思議法聚能療衆病如大醫王聞深  
法已不生怖畏三十二相八十種好莊嚴其  
身具足成就三十七品及八解脫身口意業  
純善無雜能令衆生悉來聽法世間之法所  
不能汙常受安樂常修法界惠施法寶於法  
無厭於諸有法心不染着猶如蓮華塵水不  
染明勝諸光智深如海紹三寶性調衆生界  
能開佛藏護持佛道具足無量功德智慧無  
量劫中修習莊嚴無量功德常欲獲得一行  
一心一色一處具如是等功德菩薩悉來集  
會唯願如來說菩薩行無礙法門利益過去



未來現在諸菩薩等令初發心得不退故又  
發心者得增長故行菩提道得淨意故不退  
菩薩學佛法故一生菩薩瓔珞莊嚴故後身  
菩薩得阿耨多羅三藐三菩提故定性衆生  
增長因緣故未定性者作因緣故未入佛法  
者令得入故已入佛法者敬佛法故樂三乘  
者說一乘故施於世間人天樂故世尊如來  
出世有如是等不可思議事世尊今此大衆  
一一菩薩悉能示現諸大神通是故諸佛及  
諸菩薩不可思議世尊云何衆生無明愛重  
雖見菩薩如是神通而故生於聲聞緣覺卑  
下之心世尊菩薩初發菩提心時已勝一切

聲聞緣覺世尊譬如有人捨諸琉璃取於水  
精一切衆生亦復如是捨於大乘喜樂聲聞  
辟支佛乘若有衆生已發欲發阿耨多羅三  
藐三菩提心者如是之人悉當獲得如是功  
德余時會中有三十億那由他百千萬億衆  
生天與人發阿耨多羅三藐三菩提心

大方等大集經陀羅尼自在王菩薩品第二之一

余時世尊知諸菩薩悉已大集作是思惟今  
日如是善丈夫等咸欲得知諸法實義能持  
如來甚深法藏欲得聞受諸菩薩行無礙法  
門尋放眉間白毫光明名無所畏遶諸大衆  
滿七帀已於陀羅尼自在王菩薩頂上而入

尔時陀羅尼自在王菩薩承佛神力化作寶  
蓋猶如三千大千世界七寶莊嚴以覆如來  
寶座之上頭面作禮合掌長跪說偈讚佛  
如來於法得自在  
世尊佛眼無罣礙  
具足無量諸功德  
無師獨悟諸法界  
能見諸法真實義  
其光能破世間闇  
如來放光爲衆生  
我本所知念不闕  
此光今來入我身  
身心獲得大清淨  
我今已知佛境界  
十方諸佛親近難  
今入我身何因緣  
陀羅尼眼亦如是  
了了得知諸法界  
受樂無上無有邊  
亦得樂說無礙辯  
愚者不能師事之

我今承佛神力故  
何因緣發菩提心  
何緣放光遍十方  
何緣佛爲衆受記  
今此大衆勝無上  
此衆無魔及魔業  
我智淺近有邊崖  
今問如來無邊智  
願今教誨諸弟子  
得已能施大法雨  
世尊諸佛如來不可思議菩薩所行無有邊際是故我今欲問如來無上法王大慈悲衆

欲少發問利衆生  
復以何義佛出世  
復以何因示神通  
願爲大衆分別說  
悉能受持佛法界  
唯有開示佛法藏  
何能諮請無上尊  
去何得知諸方便  
我學已得法自在  
當報十方諸佛恩

爲利衆生問甚深義云何名爲菩薩之行以  
何瓔珞莊嚴菩薩能令菩薩所行清淨云何  
能壞愚癡諸闇云何能斷疑網之心云何菩  
薩爲諸衆生修慈悲心云何菩薩擁護衆生  
云何菩薩真實能修菩薩之業善業不誨業  
唯願如來哀愍宣說又此大衆利根智慧能  
解佛語能知法界能達菩薩所行無礙法門  
能壞一切魔及魔業破大疑心能解諸佛甚  
深境界知衆生界衆生心性能見無量諸佛  
世界能護如來無上正法能於諸法得大自  
在尔時佛讚陀羅尼自在王菩薩言善哉善  
哉善男子能問如來甚深之義能善行佛無

量行者乃能知汝發斯深問汝今至心當爲  
汝說菩薩若能成就具足如是功德當於諸  
法得大自在世尊今正是時唯垂宣說佛言  
善男子菩薩有四瓔珞莊嚴一者戒瓔珞莊  
嚴二者三昧瓔珞莊嚴三者智慧瓔珞莊嚴  
四者陀羅尼瓔珞莊嚴戒瓔珞莊嚴有一種  
謂於衆生無有害心菩薩若無惡害之心一  
切衆生常所樂見復有二種一者閉塞惡道  
二者能開善門復有三種一者身淨二者口  
淨三者意淨復有四種一者所求悉得二者  
所願具足三者所願成就四者所欲能作復  
有五種一者信二者戒三者定四者念五者

慧復有六種一不破戒二不漏戒三不雜戒  
四不悔戒五自在戒六無屬戒復有七種所  
謂七淨一者施淨二者忍淨三者精進淨四  
者禪定淨五者智慧淨六者方便淨七者善  
方便淨復有八種謂八具足一者無作具足  
二者地具足三者不忘心具足四者不緩具  
足五者諸根具足六者佛世具足七者離難  
具足八者善友具足復有九種一者不動二  
者不畏三者定智四者寂靜五者至心六者  
清涼七者結綬八者調心九者住調伏地復  
有十種一者淨身為三十二相故二者淨口  
為言無二故三者淨意為解脫故四者淨田

爲令衆生福德增故五者淨心爲調衆生故  
六者淨有爲行化衆生故七者菩薩名淨爲  
得如來諸功德故八者淨慧大神通故九者  
淨方便破諸魔衆故十者淨戒爲不共法故  
善男子如是等事名戒瓔珞莊嚴三昧瓔珞  
莊嚴有一種所謂爲諸衆生修習慈心復有  
二種一者質直二者柔軟復有三種一不虛  
誑二不麤穢三不邪諂復有四種一者不愛  
行二者不瞋行三不畏行四不癡行復有五  
種所謂遠離五蓋三昧復有六種所謂修習  
六念三昧復有七種所謂修七覺三昧復有  
八種所謂修習八正三昧復有九種一者菩



薩修習菩提心及大慈悲心於一切無量衆生  
修習念心遠離惡欲不善之法有覺有觀寂  
靜喜樂得初禪二者遠離覺觀內得喜心至  
心思惟無覺無觀定生喜樂得第二禪三者  
離喜修捨具足念心無有放逸身受安樂得  
第三禪四者遠離苦樂滅憂喜心非苦非樂  
修習捨念寂靜念得第四禪五者遠離色相  
修無量空相六者遠離空相修無量識相七  
者遠離識相修無所有相八者遠離無所有  
相修非想想非想想相九者雖未成就善方便  
智以三昧力教化衆生復有十種一者觀法  
無有錯謬二者具足成就舍摩他三者精進

無有休息四者善能了知時節五者至心受  
持善法六者寂靜具心七者觀身八者常觀  
法界九者心得自在十者獲得聖性是名三  
昧瓔珞莊嚴智慧瓔珞莊嚴有一種所謂心  
無疑網復有二種一者遠離疑心二者遠離  
瞋心復有三種一者遠離無明二者破無明  
殼三者作大光明復有四種一者知苦二者  
斷集三者證滅四者修道復有五種一者戒  
聚清淨二者定聚清淨三者慧聚清淨四者  
解脫聚清淨五者解脫知見聚清淨復有六  
種一者淨檀波羅蜜有三種一者內淨觀法  
如幻二者衆生淨觀之如夢三者菩提淨不

求果報二者淨尸波羅蜜有三種一者觀身  
如影二者觀口如響三者觀心如幻三者淨  
羸提波羅蜜有三種一者聞毀不瞋二者聞  
讚不喜三者若被割截及奪命時能觀法界  
四者淨毗梨耶波羅蜜復有三種一者不想  
二者堅固三者不見法相五者淨禪波羅蜜  
有三種一者不着諸法二者心不退轉三者  
所緣清淨六者淨方便波羅蜜有三種一者  
攝取衆生爲解脫故二者淨陀羅尼爲持法  
故三者所願清淨爲淨佛土故復有七種一  
者修四念處不取不着二者修四正勤不出  
不滅三者修四神足身心清淨四者修於五

根知根無根五者修於五力能破煩惱六者修  
菩提分知法界真實七者修習聖道無有去來  
復有八種一者修定爲畢竟淨故二者修智爲  
壞闇故三者修知陰智爲知法聚故四者修知  
界智爲解法界等虛空故五者修知入智爲  
知諸法性平等故六者修知十二因緣智觀  
無我無我所故七者修觀諦智壞四倒故八  
者修習分別知法界智爲知真實故復有九  
種一者觀無常想二者觀無常苦想三者觀  
苦無我想四者觀食不淨想五者觀於世間  
不可樂想六者觀諸生死多過患想七者觀  
解脫想八者觀離貪想九者觀於盡想復有

十種一者觀於諸法猶如幻想二如夢想三  
如炎想四如響想五如芭蕉樹想六如水中  
月想七如影想八者觀於法界無增減想九  
者觀諸法界無有去住十者觀於無爲無有  
生滅是名爲慧瓔珞莊嚴善男子陀羅尼瓔  
珞莊嚴有一種所謂不失念心復有二種一者

先受二者畢竟能持復有二種一者知義二者  
知字三者知說復有四種一者正語二者了  
語三者無礙語四者不謬語復有五種所謂  
五依一者依義不依於字二者依智不依於  
識三者依了義經不依不了義經四者依法  
不依於人五者依出世不依於世復有六種

一者如說而持二者所言誠實三者發言人所樂聞四者憐愍語五者生善芽語六者時語復有七種一者利語二者莊嚴語三者無礙語四者無滯語五者無二語六者先知而語七者了語復有八種一者知方俗語二者知鬼神語三者知諸天語四者知諸龍語五者知虬鬩婆娑語六者知阿修羅語七者知金翅鳥語八者知畜生語復有九種一者無畏語二者無縮語三者無難語四者知解脫語五者知如法答語六者知廣說語七者知次第語八者知說無常語九者無盡語復有十語一者壞疑網語二者開示界語三者開法

門語四者開智慧語五者破闇冥語六者解  
一一字語七者讚歎佛語八者呵煩惱語九  
者分別根利鈍語十者開佛功德妙語善男  
子是名陀羅尼瓔珞莊嚴爾時世尊欲重宣  
此義以偈頌曰 四莊嚴瓔珞 能端嚴大乘  
所謂戒定慧 無上陀羅尼 能令三業淨  
一切人所愛 永斷三惡道 是名戒瓔珞  
如願得具足 獲得人天身 能修勤精進  
是名戒瓔珞 能修無上定 得二種解脫  
見無上涅槃 是名戒瓔珞 其戒不破漏  
無上戒不雜 能得大自在 名瓔珞莊嚴  
戒淨能淨施 戒淨能淨忍 戒淨淨五度

名戒瓔珞嚴

戒淨能淨有

淨大不放逸

無畏心不悔

是名戒瓔珞

戒淨得聖性

亦能淨身心

獲得無邊定

是名戒瓔珞

不怖畏不動

定得清淨有

能斷煩惱縛

是名戒瓔珞

能調難調根

能得大名稱

莊嚴自在心

是名戒瓔珞

能如說而作

能淨口四種

遠離諸煩惱

名瓔珞莊嚴

能淨自佛土

能調諸眾生

能修大慈悲

名瓔珞莊嚴

不作諸惡業

修於菩薩行

得十力無畏

名瓔珞莊嚴

能嚴大涅槃

能得大因果

慈心滿眾生

名瓔珞莊嚴

能離慳誑心

修柔軟四攝

斷愛瞋怖癡



名瓔珞莊嚴

助道不放逸

如法思惟義

於法無所疑

名瓔珞莊嚴

不取戒戒者

不知二淨慧

意淨不生慢

名瓔珞莊嚴

自他菩提淨

不說諸法無

慧能莊嚴戒

能破五惡蓋

名瓔珞莊嚴

樂喜住寂靜

亦無癡亂心

持戒心無著

名瓔珞莊嚴

能了知三界

見不淨不輕

慧能莊嚴智

名瓔珞莊嚴

能隨世間說

戒能瓔珞慧

修習大念心

具足於二翼

名瓔珞莊嚴

真實解四諦

亦復不生慢

無上慧淨定

名瓔珞莊嚴

知法不可說

智亦莊嚴慧

知法如夢幻

名瓔珞莊嚴

身口菩提淨

名瓔珞莊嚴

見法如水月

亦如熱時炎

說法如響相

如輒闍婆城

非法不作法

名慧瓔珞嚴

慧能莊嚴忍

忍能莊嚴慧

身口善提淨

名瓔珞莊嚴

隨法不增減

解已調衆生

至心觀法身

名瓔珞莊嚴

慧能莊嚴進

進能莊嚴慧

不悔動心淨

名瓔珞莊嚴

慧能莊嚴定

定能莊嚴慧

能說深法界

得無勝神通

能知諸方便

得無上揔持

法土衆生淨

名瓔珞莊嚴

知衆根利鈍

壞煩惱諸魔

身心得自在

名瓔珞莊嚴

道無有去來

亦無去來者

非過非未來

非現非修者

不分別法界

能淨畢竟定  
陰入界如空  
是名智慧淨  
於法不生諍  
能為說三乘  
無相知一相  
空說於不空  
和合因緣故  
不分別法界  
知二常無常  
了知於法界  
一聞能持法

知諸陰入界  
無我無我所  
諦知第一義  
知三世無礙  
能以三寶教  
非幻知如幻  
諸法非常變  
流布於法界  
知二動不動  
是名大淨智  
知字及知義  
解了衆生語

名慧瓔珞嚴  
生滅因十二  
亦知陰入界  
分別三聚衆  
修三無相定  
無說能為說  
不毀壞法界  
是名為真智  
知於二淺深  
常不失念心  
於世諦無聞  
能壞諸邪道

修於無上智

依無上四依

瓔珞大摠持

我說功德瓊

為嚴善提心

於眾說無畏

善解天神語

能壞眾疑網

能開諸法界

能讚於三寶

勸人令供養

親近佛與眾

修習無上智

我說四瓔珞

能嚴佛菩薩

若有至心信

即得是莊嚴

大方等大集經卷第一

位

識

楚念反

法師名

姑臧

下則郎

逮

音代及

鈍

徒反不

利

墉牆

下正

馬

碼二

寶

攔

楯

下時尹反

或作

柔

下正

梯

米反

道

階

墜

下

鄧

反

金翅

下施

嗜

肉

上音

覓

上於

甕

作

廁

初使去反

翔

音祥

蔽

必祭

燒害

上音

乃	反	上	下	下	演	邊	下	幼	經	作
鳥		苦	苦	昌	反	崖	苗	反	多	惚
猫	頂	愛	反	反	反	下	反	反		
牛	反	反	正	正	呂	吾	口	正		
上	正	出	作	作	反	皆	角	作		
莫	作	聲	聲	也	毀	緩	反	反		
交	反	也	才	也	也	反	反	反		
寤	反	頃	怨	離	也	伴	犀	犀		
音	覺	傾	離	離	鹿	鹿	提	提		
誤	也	領	二	二	獷	獷	上	上		
亘	也	頂	音	音	下	下	初	初		
昔	不	鬚	瞬	瞬	俱	俱	眼	眼		
可	疑	下	動	動	作	作	反	反		
反	也	字	詩	詩	積	積	又	又		
嚙	作	疑	閏	閏	非	非	初	初		
咳	開	作	反	反	錯	錯	忍	忍		
	闡	也	反	反	課	課	初	初		
		反	日	日	下	下	古	古		

猪飼順良寄附

